

Differtatio Medica Inauguralis

D E

HYDROPE,

Q U A M,

ANNUENTE SUMMO NUMINE,

Ex Auctoritate Reverendi admodum Viri

D. GULIELMI WISHART, S. T. D.

ACADEMIÆ EDINBURGENÆ PRÆFECTI;

N E C N O N

Amplissimi SENATUS ACADEMICI Consensu,
et Nobilissimæ Facultatis M E D I C Æ Decreto;

Pro Gradu DOCTORATUS,

*Summisque in Medicina Honoribus, ac Privilegiis, rite
et legitime consequendis,*

ERUDITORUM Examini subjicit

JOANNES TAITT *Scoto-britannus*, A. et R.

Ad diem 7m Julii, in Bibliotheca Academiæ Edinburgensis,
Hora Merid.

E D I N B U R G I:

In Ædibus R. FLAMINII, M.DCC.XLVI.

Digitized by the Internet Archive
in 2019 with funding from
Wellcome Library

<https://archive.org/details/b30781681>

Illustrissimo, potentissimo, ac nobilissimo Principi,

FRANCISCO

Duci de BUCCLEUCH,

Comiti de DALKEITH et DONCASTER,

Domino SCOTT de *Whitechester*,

Eskdale et Tindale, &c. &c.

Gentis SCOTTORUM Principi dignissimo:

NEC NON

Nobili ac potenti Comiti

FRANCISCO

Comiti de *Dalkeith*, Domino SCOTT de *Whitechester*,

Eskdale et Tindale, &c.

Dissertationem hanc Medicam Inauguralem,

Summo eo, quo par est, Obsequio ac Veneratione,

Sacram esse vult

JOANNES TAITT.

THE UNIVERSITY OF CHICAGO PRESS

FRANCIS & TAYLOR

DOUGLAS BUCHANAN

THE UNIVERSITY OF CHICAGO PRESS

DOUGLAS BUCHANAN

FRANCIS & TAYLOR

THE UNIVERSITY OF CHICAGO PRESS

FRANCIS & TAYLOR

THE UNIVERSITY OF CHICAGO PRESS

FRANCIS & TAYLOR

THE UNIVERSITY OF CHICAGO PRESS

FRANCIS & TAYLOR

THE UNIVERSITY OF CHICAGO PRESS

THE UNIVERSITY OF CHICAGO PRESS

FRANCIS & TAYLOR

THE UNIVERSITY OF CHICAGO PRESS

Differtatio Medica

I N A U G U R A L I S

De HYDROPE.

QUI de re medica, hoc est, re ad generis humani salutem spectante, verba facere vult; ei utique incumbit, fraude omni seposita, atque fucō, non vana nugantis cerebri figmenta, mentisve otiosæ proludia, immo non Vero tantum similia, sed, quantum ex se est, Vera ipsa proferre.

Id ipsum autem quidem in rebus medicis Verum, quamvis a nobis semotum longe atque sejunctum sæpe lateat, neque ad id facilis pateat via, longæque sint ambages; nihilominus tamen, ad loca læta nos tandem perventuros, sperare licebit, si Naturam, ut dominam, intentis oculis respiciamus, ducemque sequamur, ejusque filo, cæca nostra regere velimus vestigia: eam autem si deseramus, aliumque nobis adsciscamus ducem, per multa devia errantes, atque mille tædia passi, aut vana nos spe elusos, sero tandem mœsti sentiemus, aut pro JUNONE nubem stolidi amplectemur.

Cum autem mortalium nemini, hoc fælicitatis, unquam aut contigerit, aut contingere possit; videre scilicet, in omnibus, quid moliatur Natura, quibusque passibus progrediat; in multis certe nos latet, semperque latebit, Veritas.

Ubicunque vero se præbet videndam bona Natura, eam læti intueamur; diligenterque, quid moliatur, notemus.

A

Vitæ

Vitæ quidem nostræ brevitās, et officia, nos artem longam, ex propriis observatis, ediscere non sinunt. Quocirca quæ ab aliis observata fuere, fideliterque descripta, ea nobis diligenter perscrutanda; atque ex fidis hisce naturæ interpretibus, magna scientiæ medicæ pars haurienda.

Cum vero, ex instituto Academico, Thema quoddam Medicum mihi tractandum est; mecum seriò tacito pectore revolventi, de quo potissimum dicerem, diu dubius hæsit animus. Quando enim reputaram, quæ, quantaque, a viris omnis generis doctrina claris, summaque laude dignis, in lucem edita sunt; atque, aut ab illis prius dicta repetenda; aut vilia, nulliusque pretii mea evulganda; opus quidem lubens defugissem, nisi aliter juberent Academiae leges. Hisce autem legibus uti morem geram, de *Hydrope* pauca dicam: eaque non novæ quidem, et hæctenus inaudita; sed, ut plurimum, ex venerandis antiquorum monumentis eruta; atque recentiorum observatis et inventis, potius quam ex proprio penu, deprompta.

Et, Mehercle, rem præclare satis gessisse mihi videbor; si virorum in arte principum sensum assequi; atque illis non indigna; et doctissimis medicinæ Professoribus non displicitura, proferre, foeliciter mihi obtigerit. Mecum enim habito, et novi *quam sit mihi curta supellex*.

Grave imprimis est malum, de quo agitur, et toleratu difficile. Vocatur Ὑδρωψ, Ὑδρωπίσις, et Ὑδρεψ, a medicis * Græcis. A Latinis vero Hydrops, Hydropicus morbus, vel Aqua inter cutem †.

Morbus hic est, feri aquosi extra vasa fusi, et cavitatibus recepti, collectio: vel ejusdem feri, vasa sua nimium distendentis, stagnatio. Qui, vel totum corpus, occupat, vel partem tantum aliquam singularem: ut Caput, Pectus, Pericardium, Ovarium, Uterum, &c.

De

* Hippocrates de intern. affect. Aretæus de signis et causis diuturn. morb. lib. 2. cap. 1. Paulus Ægineta, lib. 3. cap. 48. † Celsus de medicina, lib. 3. cap. 21.

De his omnibus dicere, longum foret; meque ultra limites hujus generis oratiunculæ traheret. De præcipuis igitur tantum hujus morbi speciebus breviter dicam.

Species autem hæ præcipuæ tres vulgo numerantur.

Prima quidem est, quando toto eo spatio quod inter Peritonæum et intestina vacuum est, multa aqua coit, unde totum Abdomen distenditur. Græci eam speciem Ασπιτην appellant*.

Secunda species est, quando Abdomen plurimus flatus, onerat, et distendit. Quod vitium Τυμπαυτης Græcè dicitur. Quamvis hæc non ita proprie inter Hydropis species recenseri debet; cum non sit tumor aquosus, sed flatulentus. Tamen quoniam, cum propter causas quibus ortum debet; tum propter medendi methodum; multa habeat, cum reliquis speciebus, communia; vulgatam divisionem retinere placuit.

Tertia species, ubi Lympha in toto corporis habitu stagnat, vel effunditur; dicitur Ανχοάρια, Υποσάρια, Κατασάρια, Λευκοφλεγματια, Σαρκίτης, Υποσχιιδιος, aut Επισχιιδιος. ARETÆUS † quidem, inter Anasarcam et Leucophlegmatiam, distinguit. Ascitem, illum morbum appellat, ubi totum corpus ex alba, crassa, et frigida Pituita intumescit: ubi autem in humorem sanguineum, aquosum, tenuem, carnes liquatæ fuerunt; Hydrops Anasarca, morbus ab eo dicitur. Alii autem, antiqui, et recentiores medici, tres tantum Hydropis species statuunt.

Hydrops quidem est omnibus communis calamitas. Viris, mulieribus, cuicunque ætati. Alii autem in aliam speciem sunt propensiores: In Anasarcam pueri; juvenes autem, ad consistentem usque ætatem, Asciti magis sunt obnoxii. Senes quidem omnibus speciebus sunt expositi: verum ad humoris multitudinem contrahendam apti non sunt: ipsis igitur Tympanias accidere consuevit. Mulieres quoque huic morbo magis obnoxiaæ sunt quam viri ‡.

Causa

* Hippocr. Paul. Æginet. &c.
de Hydrope.

† Aretæus, lib. 2. cap. 1.

‡ Sydenham

Causa Hydropis, est omne id, quod serum aquosum in corpore nimium auget.

Huc faciunt præcipue. Dispositio nativa, nimis humida et laxa, accedente simul vita sedentaria; unde liquidum vitale in aquosum laticem degenerat; vasa relaxantur, secretiones impediuntur; adeoque magna moles humoris aquosi accumulatur. Potus nimius frigidæ subitus; præcipue cum æstate, præ nimia siti, ad saturitatem quispiam multam aquam gelidam ingurgitaverat †, quam neque vomitu, neque alvo, neque urina vel sudore eliminavit. Nimius quoque acrium fermentatorumque liquidorum usus *: qui viscerum, jecoris præcipue obstructions, et mille mala, parit. Victus ex tenacibus, durisque: quæ, cum a viribus vitæ, in bonum succum, mutari vix possunt; diuturnus eorum usus obstructions viscerum facit. Quædam etiam artificia, et vitæ genera, ad Hydropem suscipiendum, quam maxime disponunt ‡. Sic Piscatores, Balneatores; alique, qui in locis humidis diu versantur, huic morbo maxime sunt obnoxii. Morbi acuti ardentissimi, et Febres longæ †. Omnes evacuationes nimix, præcipue sanguinis: inde enim virium languor, et boni vitalis succi penuria. Quamobrem Mensium, et Hæmorrhoidum, fluxus nimius huc facit. Horum quoque obstructions Hydropem faciunt *†, non solum retento in corpore, quod excerni debuerat, humido; sed etiam, ob vitium humoribus inde inductum. Ventriculi vitiosus habitus: ex cibis enim male concoctis, variæ in visceribus obstructions fiunt; et corpus exsanguie redditur et aquosum. Nimix quoque vigiliæ huc faciunt. Inter Hydropis causas nulla forsitan frequentior, quam obstructions in visceribus abdominalibus, præcipue jecore, et liene: ex horum enim integritate pendet, chyli confectio, et præparatio, urinæ secretio, et alia; quibus male procedentibus, plurimis sternitur via morbis. Pulmonum vitia, huic morbo ortum quoque dant: licet

† Hippocrates de affectionibus. Aretæus de diuturn. lib. 2.
de Hydropse. ‡ Ramazzini de morbis artificum.
lib. 3. cap. 48. *† Idem, ibidem.

* Sydenham
‡ Paulus Ægineta,

licet rarius forsan de iis cogitetur. Icterus ex viscerum noxa contractus, diuque immoratus, in Hydropem sæpius transiit *. Quartana sæva et diuturna †, Lienteria, Diarrhœa, Dysenteria diuturna, Coeliaca, Empyema, Phthisis, Podagra, Hydropi quoque ortum dedere ‡.

Enarratis sic morbi causis, nunc ad ejus notas deveniendum.

Omnibus Hydropis speciebus communiter inest, Pallor, Spirandi difficultas, Tussis, Pigritia multa; a cibo alienatio: quod si aliquid assumant, quamvis modicum, et flatu carens; nihilominus ab eo valde inflantur; et distensiones patiuntur, quales ex saturitate fiunt. Potum autem largiorem plurimi appetunt. Corpus eorum sine sudore est. Præterea albidi sunt et effeminati *.

Sed tres supra memoratæ Hydropis species manifestius distinguuntur.

In Ascite, venter, totumque abdomen, cum quodam gravitatis sensu, intumescit; et, cum manu impellitur, sonum collectæ permotæque intus aquæ, præbet; qualis, ab utre non omnino aquæ pleno, redditur. Humor etiam, ad corporis in alterutrum latus conversiones, in locum declivem delabitur. Hic humor, incipiente morbo, intra abdominis spatium includitur: sed cum jam Magnus esse cœpit morbus, et Vetus; pars ejus aliqua, in scrotum, penem, in femora, et pedes delabitur; maxime vespere, et post corporis exercitationem. Spiritus fit difficilis, aqua surlum premente Diaphragma: unde arctato thoracis cavo, pulmones ægre sese explicant. Sitis ut plurimum vehemens, et potu vix sedanda; ut canit poeta †.

*Sic quibus intumuit suffusa venter ab unda,
Quo plus sunt potæ, plus sitiuntur, aquæ.*

B

Pulsus

* Nicolaus Piso de cognoscendis et curandis morbis, lib. 3. cap. 32. † Celsus de medicina, lib. 3. cap. 21. ‡ Aretæus de causis et sign. diut. morb. Ætius. Nicolaus Piso, &c. * Aretæus de sign. et causis diuturn. † Ovidius fast. lib. 1.

Pulsus, parvus, frequens, subdurus, atque tensus. Urina pauca meitur; eaque fere crassa est, et rubicunda. Totum corpus, dempto ventre, extenuatur. Quoque magis tumet venter, eo plus emacrescit reliquum corpus. Subinde etiam febricula; maxime ad vesperam. Venæ admodum evidentes, in brachiis, et abdomine. Hic iste Hydrops fere duros vereresque, mesenterii, jecinoris, lienis, vel uteri excipit tumores; itemque ardentissimas febres; et ex viscerum noxa contractam, diuque immorata, auriginem. Idem infrequentior pueris quam adultioribus; fereque eos etiam adoritur, qui propter viscerum ruptam, vel exesam venam, crebro sanguinem, vel vomitu, vel alvo, reddunt †.

Secunda Hydropis species, Tympanias scilicet, hisce notis sese prodit.

Venter, licet minus quam in Ascite habeat molis; ita tamen tenditur, ut digito percussus, tanquam Tympanum, sonet. Idem parum fluctuat; sed leve murmur, ac quendam veluti rugitum, exhibet. In corporis conversionibus spiritus locum non mutat. Frequens ructus desiderium; eoque edito, levare aliquantulum homo videtur. Pedes non usque adeo tumescunt, ac in Ascite, et Anasarca. Reliquum corpus extenuatur. Venæ, in abdomine, et brachiis, admodum evidentes et conspicuæ. Hoc malum sæpe supervenit longis febribus, languoribus ventriculi, et ejusdem ac intestinorum inflammationibus; et schirris, jecoris, ventriculi, uteri, et peritonæi. Sequitur et hoc malum sæpius ventriculi et coli inflationes *.

Tertia Hydropis species, scilicet Leucophlegmatia, has habet notas.

Corpus

† Paulus Ægineta, lib. 3. cap. 48. Lommii observat. medic. lib. 2. Aretæus de signis et causis diuturn. Nicolaus Piso de cognoscend. et curand. morb. * Idem: qui supra.

Corpus totum molli grandescit tumore ; maxime tibiæ ac pedes. Tumor, in tibiis, et pedibus, vespere, cum diu declives hæ partes fuere ; vel post exercitationem, Magnus : mane autem, cum per noctem in lecto decubuit æger, minor, et pene nullus. Color corporis plerumque ex atro viridique permixtus. Venæ, obscuræ, et nigræ. Somni sunt, graves, torpentes, breves ; Animæ deliquium. Circa minima quæque sollicitudo. Vivendi cupiditas. Is tumor in pedibus et in reliquo corpore si prematur, fossulam, quæ tarde impletur, habet, impressi digiti vestigium. Venter cum cæteris partibus æque tumer. Corpus æqualiter molle, laxum, ac pallidum, est ; idemque enerve, et languidum, minimis laboribus frangitur. Spiritus acervatim trahitur, maxime sumptis epulis. Febris item lenta continenter afficit. Pulsus undosus est, et parvus, et celer, et inequalis. Dejectio cruda et nonnunquam subcruenta. Urinæ, albæ, tenues, et aquosæ *.

Hoc genus Hydropis, fere diuturnos excipit febres ; vitiosumque ventriculi habitum ; et nimium compressos, nimiumve fluentes, tum menses, tum hæmorrhoides. Adhæc spiritus longam difficultatem, et immodicam vigiliam. Ac præcessit sanguinis pituitosi generatio, ex cibis, potibus, et reliqua vivendi norma, aliisque, quæ jecur, et totum venosum genus, infrigidant. Idem pueris sæpius quam adultis insidiatur. Fere autem fit, ut qui sic laborant, modo rectius sese, modo pejus, eodem die habent.

Ex supra traditis notis, Hydrops, ab aliis morbis, facile discriminatur. Ut et tres ejus species ab invicem distinguuntur. Observare etiam licet ; quod, in Anasarca, pedes primo tumescunt ; dein reliquæ partes. Aliter autem in Ascite ; pedes enim, non nisi aqua prius turgido ventre, tument. Sic ubi alter incipit morbus, alter desinit.

Morbus hic licet facile cognitus, difficillime tamen curatur. In hoc consentiunt medici. Hoc canunt poetæ,

* *Tollere*

* Hippocrates de internis affect. Paulus Ægineta. Aretæus. Lommius.

* *Tollere nodosam nescit Medicina podagram*

Nec formidatis auxiliatur Aquis.

Hoc tristis experientia nos docet. Et hoc quidem ipso die lugemus virum optimum, doctissimum Matheſeos in hac Academia Professore; pro cuius salute, omnium bonorum fervida conspirabant vota; post omnem exhaustam supelleſtilem medicam; postque omnes doctissimorum medicorum frustra adhibitos conatus; indies crescente hoc malo; tandem post mille toleratas ægritudines; tristi fato abreptum.

Pauci quidem ab hoc morbo liberantur. Idque fælicitate quadam, et Deorum, potius, quam artis, auxilio.

Non autem omnes Hydropis species ex æquo pravæ sunt. Inter ipsas enim Leucophlegmatia mitior habetur; nam multæ, et variæ sunt ejus tollendæ prosperæ occasiones; sudoris, aut lotii, excretionem; aut alvi nonnunquam in hujusmodi ægrotantibus copioso effluvio. Difficilis autem Tympanias. Tympania difficilior Ascites. Oportet enim medicum, hoc in morbo, totum hominem permutare, τοῦτε μὲντοι ἔδε θεοῖσι πρῆτερον ut ait Aretæus †. Alii autem aliter sentiunt. Ætius ‡ enim dicit, Tympanias omnino periculofus, minus eo Ascites. Idem, iisdem verbis, dicit Nicolaus Piso †. De utrifque vero hisce speciebus vere dici potest, quod maxime periculofæ sunt.

Inter initia, inquit Celsus *, non difficillima Hydropis curatio, si imperata sint corpori, quies, sitis, inedia. Ideoque facilius, in ſervis, quam in liberis, tollitur. Quia cum desiderat famem, sitim, et mille alia tædia, longamque patientiam, promptius iis succurritur, quam quibus inutilis libertas est. Sed ne hi quidem, qui sub alio sunt, si ex toto sibi temperare non possunt, ad sanitatem perducuntur. At si malum inveteravit, non sine magna mole discutitur.

Revera quidem, si æger juvenis est, si morbus novus, a nullo præeunte morbo coepit. Si nulla in visceribus vitii signa

* Ovidius de Ponto, lib. 1.

† Lib. 2. cap. 1.

‡ Lib. 2. Serm. 2.

† De cognoscend. et curandis morbis, lib. 3. cap. 32.

* Celsus de medicina,

lib. 3. cap. 21.

na adsint. Si vires non languidæ. Si æger alimenta bona appetit et concoquit. Si absint, Dyspnæa, dolor, et fitis. Si lingua etiam a somno humida. Si a febre immunis æger. Si urina, potionum mutatione, vel epoto medicamento, mutatur. Si venter mollis, et sumpto medicamento movetur; nullo autem sumpto medicamento; prout in sanitate se habet. Tunc spes est aliqua futuræ sanationis, si modo apta morbo accomodetur medela. Quod si autem æger jam gravis annis, morbo prius tentatus. Si morbus a præeunte acuto incipiens jam inveteravit. Si vires languidæ. Si male olet spiritus, sputum, fudor, et universum denique corpus. Si duri sunt in viaceribus tumores, suis signis manifesti. Si nec bona appetit alimenta, nec assumpta concoquit. Si adsit Dyspnæa, Dolor, Febricula, Tussis. Si vehemens urget fitis, Si lingua Arida. Si Urina pauca, atque turbida, meitur; nec potionum mutatione, nec medicamentis epotis mutatur. Si Cathartica nihil agunt, aut nimium. Tunc quidem in magno versatur æger periculo*.

Ast ubi, sub infirmis viribus, incipit profluere alvus. Simulque ingens spirandi difficultas adsit. Ubi veluti, concretus sanguis ab alvo dejicitur. Ubi Urina, diversis matulæ regionibus, diversos exhibet colores: ut si, inferne rubra est, superne livida; aut contra: Tunc quidem ad extrema ventum est; nec ulla omnino effulget spes. Sed

*Nox incubat atra,
Præsentemque viris intentant omnia mortem †.*

Haftenus de Hydropis, causis, signis, et prognosi.

Nunc ad id, quod ars, ad malum hocce dirum amoliendum, potest, deveniamus.

Jactant quidem, Agyrtæ, alique, ejusdem farinæ homines, artis medicæ minime gnari, certam, truci huic morbo, medelam. Sed vah! quam vana et infida illorum promissa. Testes appello ægros, quos quotidie spe ludunt inani. Cave-
C
ant

* Nicolaus Piso de cogn. et cur. morb. Lommii observat.
lib. 1.

† Virgil. Æneid.

ant itaque cordati, neve hominum istorum nequissimorum fraudibus decipi se sinant.

In Hydropis cura hoc maxime notandum est. Num scilicet Hydrops per se inceperit, an ab alio prægresso morbo ortus sit. Si enim ab alio morbo originem trahit; necesse imprimis est, priori illi morbo, si in corpore adhuc adest, curando, sedulo incumbamus. Vix enim aliter Hydropem curabimus. V. G. Si menstrua obstructa Hydropem producere, tunc quidem Emmenagoga adhibenda. Si Hæmorrhoides fluere solitæ, jamque subsistentes; is fluxus, aptis huic scopo remediis, promovendus. Et sic de cæteris. Si vero nihil horum sit, ad Hydropem, ut morbum primarium, curandum nos accingamus.

Totum, quod Ars potest, hisce comprehenditur: ut, imo, Morbi fomes subducatur, nimiusque e corpore eliminetur Humor. 2do, Ne de novo crescat, caveatur.

In hoc, sicut in aliis morbis, victus ratio rite instituta, multum ad eum tollendum, facit. Quæ igitur, apta sit Hydropicis, victus ratio describenda.

Aerem frigidum et humidum vitet æger. Et si in locis humidis, paludosis, frigidis, septentrionalibus degit, pruinas vitet atque nocturna frigora; neque foras usquam prorepat nisi sudo cœlo; domi se exerceat, in locis igne calefactis; vel ad loca australia ficciora et calidiora migret. Lectus sit non valde mollis, substernanturque herbæ resiccantes, ut Thymum, Pulegium, Origanum, et consimiles. Somnus sit moderatus. A venere abstineat. Si autem tempestas finit, foras omni modo corpus exerceat, equitatione, vectitionibus per mare, aut in rhæda, ambulando, pila ludendo, vel et currendo. Si sudores exercitiis excitati sint, per lintea asperiora detergantur. Frictiones corporis, diuturnæ, et sæpe repetitæ, conducunt. Sudor quoque excitandus, non
solum

solum corporis exercitiis ; sed et arena calida, vel laconico, vel clibano. Sudationes quidem siccae, et naturales, maxime sunt utiles. Alvus lenis servanda. Cibus sit coctu facilis. Potus, vinum generosum, paucum. Vel potius ab omni omnino potu abstineat. Panem biscoctum edat. Sic enim subducetur, quod malum alit, humidum. Longam quidem patientiam desiderat et mille tædia. Atqui nescio, an aliter certius, ex Erebi faucibus, eripi possit æger. Neque desunt exempla ægrorum, quibus viscera nondum duris obsita tumoribus, cumque nondum inveteraverat morbus, hac ratione ab Hydrope liberatorum. Quæ vero maxime intoleranda est sitis, nonnihil levare potest, os subinde, gratis acidis liquidis, lavando : vel Tamarindos, vel Limonium manducando ; cavendo tamen ne deglutatur. Sitis quidem, non nisi sanato morbo, tollitur. Ut canit Horatius *

*Crescit indulgens sibi dirus Hydrops,
Nec sitim pellit, nisi causa morbi,
Fugerit venis, et aquosus albo
Corpore languor.*

Si hæc autem ægro minus arridet methodus ; aut tentata frustra fuit ; ad alia veniendum. Ut nimius e corpore eliminetur humor, Obstructa, quantum fieri potest, referenda ; tumque fluidus factus humor, vel per corporis excretoria naturalia deducendus, vel per aperturas arte factas.

Ad obstructa, in hoc morbo, referenda ; varia quidem adhibentur ; ut sunt Cardiaca, Roborantia, et Stimulantia. Ex horum usu vis vitalis erigitur, sanguinis circulus promovetur, in ultimis vasculis stagnantia fere, in motum deducuntur. Alcalini sales, tam volatiles, quam imprimis fixi, hic multum conducunt. Ut et Antimoniata, Venerea, et Mercurialia. Quæ omnia, varia dosi, pro ægri viribus, et Idiosyncrasia, exhibenda sunt. In Mercurialibus præcipue adhibendis, maxima opus est cautione. Si enim, tumoribus duris

* Horatius, Lib. 2. Ode 2.

duris non resolvendis, obsita sint viscera, non solum non proderunt; sed et malum augebunt; ægrumque Orco citius detrudent. Est et alia opus cautela. Alii enim, minima quavis Mercurii particula exhibita, in Ptyalismum incidunt. Alios autem, magnis et repetitis dosibus, vix omnino movebis. Ergo caute, et lente, progrediendum.

Referatis sic, quantum fieri potest, obstructis; nocentem laticem, per Vomitum, Sedem, Urinam, Sudorem, vel Diaphoresin, educere conandum est.

Emetica certe in hoc morbo, non solum, id quod in stomacho est, exantlando profunt; sed etiam tenacia viscidaque agitando, et solvendo; obstructaque in vasis et visceribus concutiendo; stagnantia in motum deducendo; virosæpe effectus produxere. Ex emeticis quidem fortiora sunt eligenda; ut monet clarissimus, et in praxi exercitatissimus Sydenhamus *. Ut V. G. Infusionis Croci metallorum fescunciam, aut uncias duas; Atque quotidie, si Ægri vires sinunt, repetenda. Ex horum usu, aquæ, non solum vomitu exantlantur; sed etiam ingenti copia per sedem rejiciuntur; quandoque etiam per urinæ vias. Idemque Cl. autor notat aquas Hydropicas non ita prompte evacuari, ubi minus tumet venter. Qua de causa monet, tutius esse, ubi minus tumet venter, Catharticis solis uti.

Aquas Hydropicas per sedem evacuari posse, multis exemplis constat. Purgantia nonnunquam mitiora exhibenda; ut manna, rhabarbarum, hiera picra, &c. nonnunquam fortiora exhibenda sunt Hydrogoga et sæpe repetenda. Ut Syrupus de rhamno, succus radicis iridis palustris, decoctum corticis interioris sambuci, vel radicis ejusdem, et ebuli, Jalappa, Scammonium, Elaterium, Mercurius dulcis. In his autem adhibendis caute attendendum, ad Ægri vires, et Idiosyncrasiam: ne nimia dosi propinata cathartica, tantas excitent turbas, ut Ægrum in vitæ discrimen trahant; Medicoque opprobrium parent. Unum quidem hic nota dignum est, scilicet, purgantia hæc fortiora sanguinem liquefacere. Ex horum enim usu diuturno, hominem licet floridum et vegetum, in palli-

* De Hydrope.

pallidum et aquosum mutabis. Ideoque caute attendendum, ne quod, alio respectu, auxiliatur, alio noceat.

Formulæ purgantium fere infinitæ esse possunt: quas quilibet pro lubitu variare potest. Quamcunque autem adhibueris, ex re erit, Laudani liquidi, vel pilularum Matthæi debitam dosem circa vesperam propinare. Sic enim compeſcentur turbæ a purgatione excitatæ, ægroque conciliabitur, si non somnus, quies tamen, viriumque dejectarum refocillatio.

Quando ægri vires minus validæ, medicamenta hæc sive emetica, sive cathartica, fortiora, exhibere non sinunt; præstabit tentare colluviem serosam, per urinæ vias, deducere. Nam plurima sunt exempla sic evacuati Hydropis. Quæ huc conducunt diuretica varia parari possunt. Ea autem, quorum utilitatem maxime probavit usus, parantur ex salibus fixis, alcalinis, ex vino Rhenano exhibitis; quibus variæ addi possunt herbæ stimulantæ aromaticæ. Formula a supra laudato Sydenhamo in hunc finem præscripta hæc est: R. Cinerum genistæ libram unam, absinthii communis pugilla duo, infunde in vini Rhenani libris quatuor. Hujus liquoris filtrati uncia quatuor propinandæ, quotidie, mane, hora quarta post meridiana, et hora somni, donec evanuerit tumor. Quo solo medicamento, multos, qui purgantia ferre non potuere, etiam cum de iis desperatum esset, sanitati restituit.

Diaphoresi aucta, vel excitato sudore, plurimus e corpore exprimitur humor. Multa quidem sunt, quæ diaphoresin auctiorem reddunt. Ea scilicet omnia quæ vasorum et viscerum vires augent; quæ ad partes corporis exteriores humores ducunt; cutemque liquidis transmittendis aptam reddunt. Horum vires, et operandi modum, non est hujus loci exponere. Satis erit factum meo proposito, si indicem quæ Hydropico agenda sunt, ut materia morbida per cutem transeat. Huc conducunt corporis exercitia; frictiones, aliaque quæ supra, cum de victus ratione in hoc morbo ageretur, scripta sunt. Medicamenta quoque varia propinantur sudorifica. Inter quæ penetrantiora sunt eligenda. Nam in sudorem non proclivis est Hydropicus.

Si his adhibitis remediis Aqua e corpore non exivit, plurimaque ventrem onerat et destendit; tunc quidem per viam arte factas, eam educere conandum est.

Quidam, per scarificationes, in abdomine, scroto, femoribus vel tibiis factas, Aquas paulatim educere volunt. Secum minimum, in corpore Hydropico, vulnusculum, per quod diu stillat aqua, sæpe in Gangrænam transit; tutius longe per aperturam in abdomine factam exhauriuntur Aquæ. Minime quidem hic cunctandum: longas enim trahere moras quam periculosissimum est. Ab aquis etenim in abdomine diu stagnantibus, Viscera iis innatantia pessime corrumpuntur. Quamprimum, igitur, post frustra tentata medicamina, si spes est aliqua sanitatis, dum ægri vires morbo nondum detritæ, instituenda est Paracentesis, loco eo, qui umbilicum inter et anterius ossis ilii extremum, medius est: et aqua omnis simul et semel ex abdomine educenda, aptato prius corpori cingulo, quo abdomen, pro ratione erumpentis aquæ, comprimi possit. Cingulum hunc descripsit, locumque aperturæ designavit certius D. MONRO celebrissimus Anatomix in Academia Edinensi Professor *, qui, pulchris suis inventis rem medicam multum ditavit.

Paracentesi nonnulli quidem ab Ascite liberati fuere. Sæpius tamen accidit, intus manente, in corpore, mali fomite, aquas de novo regenerari; ventremque, non longo interjecto tempore, in tumorem magnum iterum attolli, novamque aperturam postulare. Nec non etiam aqua, sive emeticis sive catharticis e corpore fuerit eliminata, de novo crescit.

Proxime igitur prospiciendum, quibus potissimum artibus eniti oporteat, ut evacuatum semel corpus, de novo non impleatur. Res quidem facilis est, aquas e corpore educere; ast earum regenerationem impedire, *hic labor, hoc opus est.*

In hunc autem finem, adhibenda sunt ea quæ labem debilitatorum viscerum tollere possunt; sive ea, causa Hydropis fuit, sive effectus. Huic scopo conducit, maxime Chalybs ejusque varia præparata, junctis simul aliis roborantibus. Ex quibus

* Medical Essays, Vol. I.

quibus infinitæ concinnari possunt formulæ. Nulla autem forsan melior illa, quam, ingens illud orbis medici lumen, Boerhaavius, in libello de materie medica et formulis remedium, descripsit. Quæ sic se habet. R. Limaturæ ferri non rubiginosæ, corticis Peruviani, Magellanicæ, ana uncias duas, radicis rhei exsiccatæ semunciam, vini Rhenani generosissimi libras duas; f. f. a. Vinum medicatum. Cujus dosis uncia duæ, ter de die, vacuo stomacho. Hisce dum utitur æger, victus ei sit siccus. Potus Vinum meracum. Corpus exerceat, quantum pro viribus potest, maxime equitando. Aliaque, quæ supra in victus ratione præscripta sunt, faciat. In quibus diu et sedulo persistendum.

Quæ superius tradita sunt, de Hydropis cura, ad eam præcipue ejus speciem, quæ Ascites dicitur, accomodata sunt. Multa tamen ex iis, et Tympanitidi, et Leucophlegmatia, curandis, aptari possunt.

Quam autem, sibi propriam, medelam, postulant hæ duæ species, nunc paucissimis indicabo.

Tympania si mederi velimus, diligenter ad morbi sedem, et causas unde orta est, advertendus est animus. Ex incisis, hoc morbo defunctorum, cadaveribus, patuit, ventriculum, et intestina, præcipue Colon et Cæcum, mirum in modum distendi*. In recente Tympania, parva aquæ quantitas in Abdomine reperta fuit; atque in Tympaniticis, cum jam inveteraverat morbus, non ultra duas aut tres libras. Observare etiam licet, morbum hunc sæpius invasisse post diuturnos animi mœrores, affectiones Spasmodicas, Hystericas, Hypochondriacas, et Colicas, Abortus, Partus difficiles.

Cura igitur Tympanitidis hisce causis ortæ, non ab emeticis fortioribus, non a purgantibus Hydragogis, aliisque id genus, in Hydrope ascite usurpatis, petenda est†: hæc enim malum augebunt. Experientia nos docet, alia longe diversa progrediendum esse via. Imprimis quidem vitanda sunt omnia flatuosa. Adhibenda Roborantia, Carminativa, et Antihysterica;

* Memoires de l'Academie des Sciences, Vol. 17. P. 314.
næta, lib. 3. cap. 48.

† Paulus Ægi-

tihysterica; et, ad spasmos sedandos, Opium. Si Alvus constricta sit, lenissimis solvenda. Clysmata, ex carminativis ad flatum discutiendos, injicienda. Vel et Glandes ex Hiera picra, semine Cumini et Melle compositæ, immittendæ. Externe, foci carminativi, et Balnea. Nec non ex iisdem Cataplasmata, et Emplastra; ut Antihystericum, Stomachicum, vel simile, Abdomini applicentur.

Si vero flatum, ab aqua in Abdomine putrescente, originem ducunt; iisdem mediis, et eadem methodo, tolluntur, quibus Ascites. Si ex viscerum abdominalium Vulneribus vel Ulceribus, Pus, in cavum abdominis effusum, flatum generat: Tunc quidem vix speranda est Tympaniæ curatio, nisi sanato prius viscerum vitio. Vulnerato Abdomine, Aer nonnunquam in cavum Abdominis penetrat, idemque distendit. Tractato autem, ex artis legibus, vulnere, cessat inflatio.

Ad Leucophlegmatiam curandam, fere eadem, quæ ad Hydropem ascitem, in usum vocanda. Copia namque Pituitosi humoris, per Emetica, Purgantia, Diuretica et Sudorifera, vacuanda est. Idem victus. Eadem exercitia, quæ supra ad Ascitem, præscripta.

Hoc quidem observatu dignum est; scilicet, si morbus, ab obstructis Menstruis, aut Hæmorrhoidibus fluere solitis jamque subsistentibus, coepit; ex usu erit sanguinem detrahare. Præterea scarificationes, tutius hic adhiberi possunt, quam in Ascite. Ipse medicinæ Parens Hippocrates * jubet, si pudenda aut femora intumuerint, audacter specillo pertundere, et pollicetur ex inde sanitatem. Ad talos factæ scarificationes omnem e corpore educunt aquam, atque hominem gracilem relinquent. Cataplasmata quoque acria ex Sinapi et similibus, vel Vesicantia, pedibus vel femoribus applicata, plurimam educunt aquam. Quamvis neque Scarificationes, neque Vesicantia, sine periculo, adhiberi possunt, nisi incipiente morbo. Si enim Anasarca, totum corpus occupavit, atque jam inveteravit, et vires languidæ; hæc feri evacuatio subita, vasa nimium deplendo, citam accerset mortem.

*Hippoer. de internis affectionibus.